

ՄԻԱՄՆԱԿԱՆ ՔՆՆՈՒԹՅՈՒՆ

2023

ՀՈՒՆՎԱՐ - ՓԵՏՐՎԱՐ

ՀԱՅՈՑ ՊԱՏՄՈՒԹՅՈՒՆ

ԹԵՍՏ 4

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: **Թեստ-գրքույկը չի ստուգվում: Ստուգվում է միայն պատասխանների ձևաթուղթը:**

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

Ա մակարդակ

- 1 Ե՞րբ է Արմինիայի կենտրոն դարձել Պարտավը.
- 1) VII դ. վերջին
 - 2) VIII դ. վերջին
 - 3) IX դ. սկզբին
 - 4) VIII դ. սկզբին
- 2 Ե՞րբ է ստեղծվել մանրանկարներով զարդարված և մեզ հասած առաջին ամբողջական ձեռագիրը.
- 1) 851 թ.
 - 2) 815 թ.
 - 3) 898 թ.
 - 4) 989 թ.
- 3 Անգլիացիները հայատյաց Խոսրով բեկ Սուլթանովին Ղարաբաղի և Զանգեզուրի ժամանակավոր գեներալ-նահանգապետ նշանակեցին՝
- 1) 1919 թ. հունիսին
 - 2) 1919 թ. հուլիսին
 - 3) 1919 թ. հունվարին
 - 4) 1920 թ. հունվարին
- 4 Ե՞րբ է Կիպրոսի արտաքին գործերի նախարար Կիպրիանուն ՄԱԿ-ի ամբիոնից կոչ արել քննարկելու Հայկական հարցը.
- 1) 1965 թ. ապրիլին
 - 2) 1965 թ. հոկտեմբերին
 - 3) 1967 թ. հունիսին
 - 4) 1967 թ. ապրիլին
- 5 Ե՞րբ է Տիգրան Երվանդյանը, դաշնակից զորքերի գլուխ անցած, գրավել Բաբելոնը.
- 1) Ք. ա. 539 թ.
 - 2) Ք. ա. 543 թ.
 - 3) Ք. ա. 524 թ.
 - 4) Ք. ա. 529 թ.
- 6 Ե՞րբ է սուլթանին հանձնվել Մայիսյան բարենորոգումների ծրագիրը.
- 1) 1895 թ. մայիսի 18-ին
 - 2) 1896 թ. մայիսի 11-ին
 - 3) 1895 թ. մայիսի 11-ին
 - 4) 1894 թ. մայիսի 11-ին

7 Ե՞րբ են հայ-վրացական ուժերն ազատագրել Կարսը.

- 1) 1199 թ.
- 2) 1203 թ.
- 3) 1209 թ.
- 4) 1206 թ.

8 Ե՞րբ են Էմինը և Հերակլ II-ը իրախուսական նամակներ ուղարկել Հովնանին.

- 1) 1766 թ.
- 2) 1763 թ.
- 3) 1764 թ.
- 4) 1762 թ.

9 Որքա՞ն էր մայրաքաղաք Տիգրանակերտի բնակչության թիվը.

- 1) շուրջ 200 հազար
- 2) շուրջ 150 հազար
- 3) շուրջ 100 հազար
- 4) շուրջ 120 հազար

10 ԽՍՀՄ կառավարության որոշմամբ՝ 1947 թ. որքա՞ն սփյուռքահայեր պետք է ներգաղթեին Խորհրդային Հայաստան.

- 1) 25 000
- 2) 63 000
- 3) 360 000
- 4) 32 000

11 Ո՞վ է նշանակվել Խամսայի մեկիքությունների առաջին կառավարիչ.

- 1) Եգանը
- 2) Մելիքջանը
- 3) Հակոբջանը
- 4) Շահնագարը

12 Ո՞վ է հիմնադրել «Պաշտպան հայրենյաց» կազմակերպությունը.

- 1) Ներսես Աբելյանը
- 2) Խաչատուր Կերեքցյանը
- 3) Արսեն Կրիտյանը
- 4) Հակոբ Կալոյանը

13 Մեծ Հայքի ո՞ր նահանգում էր Ոստան Հայոց գավառը.

- 1) Վասպուրական
- 2) Գուգարք
- 3) Այրարատ
- 4) Սյունիք

14 Խոսրովանույշ թագուհու հիմնած վանքերն են՝

- 1) Մարմաշենն ու Այրիվանքը
- 2) Գոշավանքն ու Նորավանքը
- 3) Հաղպատն ու Գոշավանքը
- 4) Սանահինն ու Հաղպատը

15 Ո՞վ էր Խորհրդային Հայաստանի Ժողկոմխորհի առաջին նախագահը.

- 1) Ադասի Խանջյանը
- 2) Ասքանազ Մռավյանը
- 3) Ալեքսանդր Մյասնիկյանը
- 4) Սարգիս Կասյանը

16 Որքա՞ն էր Վանի թագավորության զինված ուժերի ընդհանուր թիվն ըստ «Սարդուրյան տարեգրության».

- 1) 250 հազար
- 2) 120 հազար
- 3) 350 հազար
- 4) 300 հազար

17 Հայոց ո՞ր սպարապետի մասին են ասվել այս խոսքերը.

«Ճերմակաձին գինի արբցե»:

- 1) Մուշեղ Մամիկոնյանի
- 2) Վասակ Մամիկոնյանի
- 3) Վարդան Մամիկոնյանի
- 4) Մանվել Մամիկոնյանի

18 Ո՞ր աշխատությունում են զետեղված հետևյալ խոսքերը.

«Խիզախությա՛ մբ եղեք, եղե՛ք նմանվողներ մեր նախահոր՝ քաջ Արամի որդիներին, որ միգուցե թե այդպիսով կարողանանք վերագտնել մեր հայրենիքն Արարատյան»:

- 1) Մ. Խորենացու «Հայոց պատմություն»-ում
- 2) «Նոր տետրակ»-ում
- 3) «Հովսեփ Էմինի կյանքը և արկածները» գործում
- 4) «Որոգայթ փառաց»-ում

19 XX դ. սկզբին Ռուսաստանի հետադիմական վարչակարգի դեմ հայ ժողովրդի դիմադրությունը կազմակերպելու համար Թիֆլիսում ստեղծված մարմինը կոչվում էր՝

- 1) Ինքնապաշտպանության զինվորական խորհուրդ
- 2) Պաշտպանության գլխավոր կոմիտե
- 3) Պաշտպանության պետական կոմիտե
- 4) Ինքնապաշտպանության կենտրոնական կոմիտե

20 Ընտրել պատմական տերմինների սխալ բացատրությունները.

ա. Հայասա՝ խեթերեն նշանակում է մեծ երկիր:

բ. Ուրարտուն Արարատ անվան ասորեստանյան տարբերակն է:

գ. Թեգարամա երկիրն այդպես է կոչվել Արամ նահապետի հոր՝ Թորգոմի անունից:

դ. Հունական ավանդության համաձայն՝ Հայաստանի Արմենիա անվանումն առաջացել է արգոնավորդ Յասոնի անունից:

ե. Տուշպա անունը համարժեք է արդի հայերենի Տոսպ անվանը:

զ. Հայաստանում I-III դարերն ընդգրկող ժամանակաշրջանը հայտնի է «ուշ հելլենիզմ» անունով:

- 1) ա, գ, դ
- 2) բ, գ, դ
- 3) բ, դ, ե
- 4) ա, ե, գ

21 Որո՞նք էին Բեռլինի վեհաժողովից հայերի խոր հիասթափության պատճառները.

ա. Արևմտահայությանը մերժեցին ստանալու Ազգերի լիգայի խնամակալությունը:

բ. Ռուսական զորքերի անհապաղ դուրսբերումով բարեփոխումների կենսագործման որևէ երաշխիք չէր մնում:

գ. Արևմտահայությունը զրկվեց Ազգային ժողով ձևավորելու հնարավորությունից:

դ. Արևմտահայությունը ստանում էր միայն մշակութային ինքնավարություն:

ե. Մեծ տերությունները հանդես էին գալիս հայկական բարեփոխումների պահանջներով՝ նպատակ ունենալով զիջումներ կորզել Թուրքիայից:

- 1) ա, գ
- 2) բ, ե
- 3) գ, ե
- 4) բ, դ

22 Թվարկվածներից որո՞նք են ճիշտ արտահայտում պատմական իրադարձությունների պատճառահետևանքային կապերը.

ա. Երվանդ Սակավակյացը Մարաստանի արքա Կիաքսարի դեմ պատերազմի արդյունքում պահպանել էր իր թագավորությունը, սակայն ստիպված ճանաչել էր մարական գերիշխանությունը:

բ. XV դ. թուրք-պարսկական պատերազմների հետևանքով մեծ թվով թուրքական ու քրդական ցեղեր ներթափանցեցին Հայաստան:

գ. Թյուրք-սելջուկների ավերիչ արշավանքների և Բյուզանդիայի վարած քաղաքականության հետևանքով հայ բնակչության մի մասը, արտագաղթելով Հայաստանից, հաստատվեց Կիլիկիայում:

դ. Առաջին խաչակրաց արշավանքի արդյունքում ստեղծվեց Եդեսիայի թագավորությունը:

ե. Վարազտիրոց Բագրատունու հեռատես քաղաքականության շնորհիվ Հայաստանը վերականգնեց իր տարածքային ամբողջականությունն ու անկախությունը:

- 1) բ, գ
- 2) բ, ե
- 3) ա, դ
- 4) ա, գ

23 Անիի Բագրատունիներին ենթակա թագավորությունները դասավորել ըստ դրանց անկման ժամանակագրական հաջորդականության.

ա. Վանանդի (Կարսի) թագավորություն

բ. Տաշիր-Ձորագետի կամ Լոռու թագավորություն

գ. Վասպուրականի թագավորություն

դ. Սյունիքի թագավորություն

- 1) գ, ա, բ, դ
- 2) ա, գ, դ, բ
- 3) գ, ա, դ, բ
- 4) ա, գ, բ, դ

24 Իրադարձությունները դասավորել ժամանակագրական հաջորդականությամբ.

ա. Խոսրով I-ի արշավանքը Կովկասի լեռնականների դեմ

բ. Տրդատ II-ին Հռոմի կայսր Մակրինոսի կողմից թագ ուղարկելը

գ. Վաղարշ II-ի և Սևերոսի միջև հաշտության կնքումը

դ. հայոց գահի բռնագավթումը Որմիզդ-Արտաշիրի կողմից

ե. Կարակալա կայսեր ուղարկած զորքի ջախջախումը և վտարումը Հայաստանից

- 1) գ, ա, ե, բ, դ
- 2) ա, գ, ե, բ, դ
- 3) գ, բ, ա, ե, դ
- 4) գ, ա, դ, ե, բ

25

Քաղաքների անունները համապատասխանեցնել դրանց վերաբերող բնութագրումներին.

1. «այն լի էր գանձերով և աստվածներին նվիրաբերված թանկարժեք ընծաներով»
2. «Հայկական Կարթագեն»
3. «գեղեցիկ և շքեղ հորինվածքով»
4. «Նոր քաղաք»

ա. Երվանդակերտ
բ. Վաղարշապատ
գ. Բագարան

դ. Արտաշատ
ե. Տիգրանակերտ

- 1) 1-դ, 2-ե, 3-ա, 4-գ
- 2) 1-ե, 2-դ, 3-ա, 4-բ
- 3) 1-ե, 2-դ, 3-գ, 4-բ
- 4) 1-գ, 2-բ, 3-ե, 4-ա

26

1915 թ. տեղի ունեցած ինքնապաշտպանական մարտերի ղեկավար գործիչների անունները համապատասխանեցնել ինքնապաշտպանության վայրերին.

1. Թաղ
2. Վանի Քաղաքամեջ թաղամաս
3. Շապին Կարահիսար
4. Մուսա լեռ
5. Ուրֆա

ա. Հայկակ Կոտոյան
բ. Մկրտիչ Յոթնեղբայրյան
գ. Բաղդիկ Սիմոնյան
դ. Տիգրան Անդրեասյան
ե. Հակոբ Կոտոյան
զ. Ղուկաս Տեովլեթյան

- 1) 1-գ, 2-ա, 3-գ, 4-ե, 5-բ
- 2) 1-դ, 2-գ, 3-բ, 4-ե, 5-գ
- 3) 1-գ, 2-ա, 3-գ, 4-դ, 5-բ
- 4) 1-ա, 2-բ, 3-ե, 4-գ, 5-դ

27 Ստորև բերված պնդումներից որո՞նք են սխալ.

- ա. XI դարի վերջին Կիլիկյան Հայաստանը Մերձավոր Արևելքի ամենաուժեղ քրիստոնյա պետությունն էր:
- բ. Եգիպտոսի հզորացումից ու Երուսաղեմի անկումից հետո իսաչակիրների վիճակը խիստ ծանրացել էր:
- գ. Խաչակիրներին օգնելու գործում Արևմտյան Եվրոպան հույսեր էր կապում նաև Կիլիկյան Հայաստանի հետ:
- դ. Արքայական թագ ձեռք բերելու գործում Լևոնը բանակցություններ սկսեց Հռոմի պապի և Սրբազան հռոմեական կայսրության կայսր Ալեքսիոս III-ի հետ:
- ե. Լևոնի թագադրության հարցով շահագրգռված էր նաև պապականությունը, որը փորձում էր Հայոց եկեղեցին ենթարկել հռոմեական կաթոլիկ եկեղեցուն:

- 1) ա, ե
- 2) բ, գ
- 3) բ, դ
- 4) ա, դ

28 Ո՞ր թվականներով են թվագրվում մեզ հասած Վանի թագավորության հնագույն արձանագրությունները.

- 1) Ք. ա. VIII դ. 10-ական թվականներ
- 2) Ք. ա. VIII դ. 30-ական թվականներ
- 3) Ք. ա. IX դ. 30-ական թվականներ
- 4) Ք. ա. IX դ. 10-ական թվականներ

29 Ե՞րբ է լուծարվել ԱՀԿ-ն.

- 1) 1917 թ. հոկտեմբերին
- 2) 1917 թ. նոյեմբերին
- 3) 1918 թ. մարտին
- 4) 1917 թ. դեկտեմբերին

30 Ռազմավարական նշանակություն ունեցող ո՞ր շրջանն են ազատագրել հայկական զորքերը 1993 թ. ապրիլին.

- 1) Կովսականի
- 2) Մարտակերտի
- 3) Հորադիզի
- 4) Քարվաճառի

31 Որտեղի՞ց է սկիզբ առնում Արևելյան Տիգրիսը.

- 1) Ծովք լճից
- 2) Հայկական պարից
- 3) Հայկական Տավրոսից
- 4) Խաչափայտի լեռներից

32 Որտե՞ղ են հնչել այս խոսքերը.

«Լեոնային Ղարաբաղը մշտնջենապես բնակեցված է եղել հայերով, և նրանց հայրենիքի մի հատվածն է, որը, Մտայինի մեղքով հայտնվելով Ադրբեջանի կազմում, 65 տարի շարունակ ենթարկվել է ստորացման, վիրավորանքների ու ամեն տեսակի ճնշումների... Լեոնային Ղարաբաղի ճակատագիրը կարող են լուծել միայն Լեոնային Ղարաբաղի բնակիչները ... Ստեղծված իրավիճակի միակ ճշմարիտ լուծումը կարող է լինել Լեոնային Ղարաբաղի դուրսբերումը Ադրբեջանի կազմից»:

- 1) ԼՂԻՄ Հատուկ կառավարման կոմիտեի նիստում
- 2) ԵԱՀԿ Մինսկի խմբի համանախագահության նիստում
- 3) Մոսկվայում՝ ԽՍՀՄ Գերագույն խորհրդի նախագահության նիստում
- 4) Երևանում՝ ՀԽՍՀ Գերագույն խորհրդի նիստում

33 Ո՞վ է մեջբերված խոսքի հեղինակը.

«Գրիգոր Լուսավորիչը «սոցալոգիայի հասակում» Հայաստանում սովորել է հայոց գիրն ու լեզուն»:

- 1) Ագաթանգեղոսը
- 2) Բարդաճանը
- 3) Մար Աբաս Կատինան
- 4) Գևորգ Ասորին

34 Հայ-ռուսական երևանյան բանակցությունների ավարտին նախաստորագրված փաստաթուղթը կոչվում էր՝

- 1) «Միացյալ որոշման արձանագրություն»
- 2) «Եզրափակիչ որոշման արձանագրություն»
- 3) «Ավարտական որոշման արձանագրություն»
- 4) «Երաշխավորիչ որոշման արձանագրություն»

35 Ինչո՞ւ Օրոդես II-ի գլխավորած զինված ուժերը հարձակվեցին Հայաստանի սահմանամերձ տարածքների վրա.

- 1) որպեսզի պաշտպանեն իրենց դաշնակից Հայաստանի սահմանները
- 2) որպեսզի ստիպեն Կրասոսին Պարթևստանի դեմ արշավել Հայաստանի տարածքով
- 3) որպեսզի Անտոնիոսին դիմագրավեն և թույլ չտան մտնել Պարթևստան
- 4) որպեսզի թույլ չտան Արտավազդի և Կրասոսի ռազմական ուժերի միավորումը

36 Հայկական մշակութային կյանքի թվարկված իրադարձություններից ո՞րն է տեղի ունեցել հինգերորդը ըստ ժամանակագրական հաջորդականության.

- ա. «Ուրբաթագրքի» լույսընծայումը Հակոբ Մեղապարտի կողմից
- բ. Գլաձորի համալսարանի հիմնադրումը
- գ. Սմբատ Գունդատարլի կողմից նոր դատաստանագրքի կազմումը
- դ. Հայկական տպարանի ստեղծումը Նոր Ջուղայում
- ե. Լվովում տպարանի հիմնումը Հովհաննես Քարմատանենցի կողմից
- զ. Արգար Թոխաթեցու կողմից մի շարք գրքերի հրատարակումը Կ. Պոլսում

- 1) դ
- 2) ե
- 3) ա
- 4) գ

37 Իրադարձությունները դասավորել ժամանակագրական հաջորդականությամբ.

- ա. Հայ սահմանադրական ռամկավար կուսակցության ստեղծումը
- բ. Ադանայի նահանգում 30 000 հայերի կոտորածը
- գ. Անդրեյ Մանդելշտամի կողմից հայկական բարենորոգումների նախագծի կազմումը
- դ. Բալկանյան առաջին պատերազմի սկիզբը
- ե. ՀՅԴ-ի կողմից երիտթուրքերի հետ հարաբերությունների խզումը
- զ. Երիտթուրքերի հեղաշրջումը

- 1) գ, ա, բ, ե, դ, զ
- 2) ա, գ, բ, ե, դ, զ
- 3) գ, բ, ա, ե, գ, դ
- 4) գ, ա, դ, բ, ե, գ

38 Կատարել համապատասխանեցում.

Թվաքանակ

- 1) 150 000 2) 6000 3) 12 000 4) 8000 5) 18 000

Փաստ

- ա. Հաճըն վերադարձած՝ 1915 թ. տարագրված հայեր
- բ. «Հայկական լեգեոնի» կազմը 1918 թ. նոյեմբեր-դեկտեմբերին
- գ. Մարաշում թուրքերի կողմից 1920 թ. սկզբներին կոտորված հայեր
- դ. Այնթապ վերադարձած՝ 1915 թ. տարագրված հայեր
- ե. Կիլիկիայում 1920 թ. սկզբներին ապրող հայեր
- զ. մինչև 1923 թ. սկիզբը Կիլիկիայից հեռացած ուրֆահայեր

- 1) 1-գ, 2-դ, 3-ե, 4-բ, 5-ա
- 2) 1-ե, 2-դ, 3-գ, 4-բ, 5-ա
- 3) 1-ե, 2-գ, 3-գ, 4-ա, 5-դ
- 4) 1-ե, 2-գ, 3-բ, 4-դ, 5-գ

Ընտրել ճիշտ բացատրությունները.

- 1) Հայկական բանակում Բագրատունիների օրոք Հայաստանում կազմավորված արաբական ամիրայությունների տրամադրած զորամասերից, լեզգիներից և այլ ցեղերից հավաքագրված զորամիավորումը կոչվում էր մարզպանական գունդ:
- 2) Հայկական բանակում Բագրատունիների օրոք թագավորական տիրույթներում ապրող ռամիկներից հավաքագրված զորամիավորումը կոչվում էր մարզպանական գունդ:
- 3) Հայկական բանակում Բագրատունիների օրոք թագավորական տիրույթներում ապրող ռազմիկներից հավաքագրված զորամիավորումը կոչվում էր արքունական գունդ:
- 4) Հայկական բանակում Բագրատունիների օրոք իշխաններին ենթակա զորամասերից կազմված զորամիավորումը կոչվում էր մարզպանական գունդ:
- 5) Հայկական բանակում Բագրատունիների օրոք իշխաններին ենթակա զորամասերից կազմված զորամիավորումը կոչվում էր արքունական գունդ:

Թվարկվածներից որո՞նք պատմական իրադարձությունների իրական պատճառահետևանքային կապեր չեն.

- 1) Խորհրդային Հայաստանի արդյունաբերացման ուղղակի արդյունք էր ճարտարագիտատեխնիկական անձնակազմի թվաքանակի աճը:
- 2) Մայիսյան ապստամբության հետևանքը Հ. Քաջազնունու կառավարության հրաժարականն էր:
- 3) Խորհրդային իշխանության վարած հողային քաղաքականության պատճառով 1920–ական թթ. վերջին ՀՍԽՀ-ում հողագուրկ գյուղացիներ այլևս չկային:
- 4) Խորհրդային Հայաստանի արդյունաբերացման հետևանք էր բնապահպանական խնդիրների առաջացումը:
- 5) Ստալինի վարած քաղաքականության արդյունքում ԽՍՀՄ-ում հաստատվեց ամբողջատիրական վարչակարգ:

41 **Տրված պնդումներից որո՞նք են սխալ.**

- 1) 1922 թ. ապրիլի 17-ին Բեռլինում Արամ Երկանյանը և Արշավիր Շիրակյանը իրականացրեցին Բեհաեդդին Շաքիրի և Ջեմալ Ազմիի մահապատիժը:
- 2) «Ցեղասպանության հանցագործությունը կանխարգելելու և պատժելու մասին» կոնվենցիայի հիմքում Յոհաննես Լեփսիուսի առաջարկած նախագիծն էր:
- 3) Մեծ Բրիտանիայի վարչապետ Ջեյմս Բրայսը ասում էր, որ հաշտության պայմանագրով հայկական հողերը պետք է վերջնականորեն ազատագրվեն թուրքերից:
- 4) Առաջին աշխարհամարտի ավարտից անմիջապես հետո Անտանտի երկրները, հաշվի առնելով համաշխարհային առաջադեմ հանրության կարծիքը և հետամուտ լինելով 1915 թ. մայիսի 11-ի հայտարարությամբ նշված պատասխանատվության հարցում, երիտթուրքերին փոխարինած թուրքական նոր կառավարությունից պահանջեցին բացել դատական գործեր:
- 5) 1919 թ. հունվարին հիմնվեցին ռազմական ատյաններ, որոնք դատական հետաքննության ենթարկեցին երիտթուրքերի կառավարության ղեկավարներին, «Միություն և առաջադիմություն» կուսակցության կենտրոնական կոմիտեի անդամներին, հատուկ կազմակերպության ղեկավարներին:

42 **Գտնել այն իրադարձությունը, որը խախտում է ստորև տրված շարքի ժամանակագրական հաջորդականությունը.**

- 1) Աղվանքի և Վիրքի հապատակեցումը Տիգրան Մեծի կողմից
- 2) Էկբատանի գրավումը Տիգրան Մեծի կողմից
- 3) հռոմեա-պոնտական պատերազմների սկիզբը
- 4) Գոդերձ II-ի գահ բարձրանալը
- 5) Անտիոքի գրավումը Տիգրան Մեծի կողմից
- 6) հայ-հռոմեական պատերազմի սկիզբը

43 **Իրադարձությունները դասավորել ժամանակագրական հաջորդականությամբ.**

- 1) Երևանի նահանգի հիմնումը
- 2) Ի. Պասկևիչի գլխավորած ռուսական ուժերի կողմից Հասան կալայի գրավումը
- 3) Հայկական մարզի ստեղծումը
- 4) Կովկասի փոխարքայության ստեղծումը
- 5) գեներալ Ա. Ճավճավաձեի զորաջոկատի կողմից Բայազետի բերդի գրավումը

--	--	--	--	--

44 Եկեղեցական ժողովները համապատասխանեցնել դրանք հրավիրած կաթողիկոսների անուններին.

- Ա. Զաքարիա Չազեցի
- Բ. Ներսես Մեծ
- Գ. Բարզեն Ա
- Դ. Հովսեփ Ա Վայոցձորցի
- Ե. Ներսես Բ Բագրևանդացի

Ա	Բ	Գ	Դ	Ե

- 1) Դվինի I ժողովը
- 2) Շիրակավանի ժողովը
- 3) Աշտիշատի ժողովը
- 4) Դվինի II ժողովը
- 5) Սիսի ժողովը
- 6) Շահապիվանի ժողովը

45 «Հոչակագիր Հայաստանի անկախության մասին» պատմական փաստաթղթին վերաբերող ստորև տրված պնդումներից յուրաքանչյուրի համար ընտրել՝ «Ճիշտ է», «Միսալ է», «Զգիտեմ» պատասխաններից որևէ մեկը.

- 45.1 Փաստաթղթի քաղաքական բաժնում նշվում էր, որ ՀԽՍՀ-ն վերանվանվում է Հայաստանի երրորդ հանրապետություն:
- 45.2 Հոչակագրի մշակութային բաժնում հատուկ ուշադրություն էր հատկացվում պետական լեզվի հիմնահարցին. հանրապետությունում ամբողջ գործավարությունը կատարվելու էր միայն հայերենով:
- 45.3 Հայաստանը պիտի հասներ սեփական դրամական միջոցների ստեղծմանը:
- 45.4 Հոչակագիրը հաստատում էր ՀՀ վճռականությունն Արցախն իր տարածքի անբաժանելի մասը ճանաչելու վերաբերյալ:
- 45.5 Երկրի տնտեսության հիմքում դրվում էին կոլեկտիվ սեփականատիրական և ազատ շուկայական հարաբերությունները:
- 45.6 Հայաստանը պետք է ունենար իր մասնաբաժինը ԱՊՀ զինված ուժերի սպառազինությունից:

Բ մակարդակ

46 Ընտրել «Որոգայթ փառաց» գրքում տեղ գտած տերմինների կամ հասկացությունների ճիշտ բացատրությունները.

- ա. Հայոց ապագա պետության բարձրագույն օրենսդիր մարմինը կոչվելու էր «Հայոց տուն»:
- բ. «Հայոց տունը» պետք է կազմվեր ժողովրդի կողմից նշանակված փոխանորդներից:
- գ. Փոխանորդներից ընտրված տասներեք հոգուց մեկը վիճակահանությամբ դառնալու էր նախարար (նախագահ):
- դ. Նախարարը (նախագահ) նշանակում էր իր տեղապահին՝ փոխարքային:
- ե. «Հայոց տունը» պարտավոր էր ստեղծել հայոց ապագա պետության բարձրագույն օրենսդիր մարմինը:
- զ. Փոխանորդներից ընտրված տասներեք հոգուց տասներկուսը դառնալու էին նախարարի խորհրդակիցներ:
- է. Հայոց թագավորը պետք է նշանակվեր իշխանության ընտրովի բարձրագույն մարմնի կողմից:

- 1) ա, դ, է
- 2) բ, ե, գ
- 3) ա, գ, զ
- 4) բ, դ, ե

47 Գտնել տերմինների կամ հասկացությունների սխալ բացատրությունները.

- ա. Միջնաբերդի շուրջը տարածվող բուն քաղաքը կոչվում էր շահաստան:
- բ. Շահաստանից դուրս տարածվող քաղաքային թաղամասերը կոչվում էին արվարձաններ:
- գ. Քաղաքի կառավարող մարմինը կոչվում էր մուխթասիբ:
- դ. Հայոց կաթողիկոսի զբաղեցրած գործակալական պաշտոնը կոչվում էր Գերագույն դատավոր:
- ե. Քաղաքի արվարձաններում բնակվողներին անվանում էին ընչագուրկներ:
- զ. Իշխան Դավիթ Սահառունուն Մորիկ կայսեր շնորհած աստիճանը կոչվում էր պատրիկ-կյուրապաղատ:
- է. Մելիքությունները Արևելյան Հայաստանում ուշ միջնադարում ստեղծված հայկական իշխանություններ էին:

- 1) ա, բ, դ
- 2) ե, գ, է
- 3) բ, գ, ե
- 4) գ, դ, զ

48

Հայաստանի իշխանությունները Թիֆլիսի 1920 թ. օգոստոսի 10-ի համաձայնագրին կարևորություն չէին տալիս, որովհետև

- ա. այն համարում էին ժամանակավոր:
- բ. երկրի արտաքին քաղաքական գլխավոր նպատակները և Հայկական հարցի լուծումը կապում էին Սևրի պայմանագրի հետ:
- գ. մտածում էին, որ իրենք ստեղծված իրավիճակում այլ ելք չունեն:
- դ. նրանք հասկանում էին, որ Սևրի պայմանագիրը հնարավոր չէ իրագործել:
- ե. համոզված էին, որ Անտանտի տերությունների ջանքերով կիրագործվի Սևրի պայմանագիրը:
- զ. գերազնահատում էին Ռուսաստանի դերը տարածաշրջանային խնդիրներում:
- է. համոզված էին, որ դրանով կխոչընդոտեն քեմալա-բոլշևիկյան համագործակցության ամրապնդմանը:

1) ա, բ, է

2) բ, գ, դ

3) դ, է, զ

4) ա, գ, է

49

Ստորև թվարկված պատմական իրադարձությունների պատճառներից և հետևանքներից որո՞նք են ճիշտ.

- ա. Մենուայի հաղթարշավների շնորհիվ Հայկական լեռնաշխարհի հյուսիսային շրջանները թեև մտան Վանի տերության կազմը, սակայն հարկատու չդարձան:
- բ. Մենուայի հաղթարշավների շնորհիվ Հայկական լեռնաշխարհի հիմնական մասը միավորվեց մեկ պետության մեջ:
- գ. Մենուայի հաղթարշավների հետևանքով Ասորեստանը թուլացավ և, չկարողանալով այլևս վերականգնել իր դիրքերն Առաջավոր Ասիայում, շուտով նվաճվեց Բաբելոնի կողմից:
- դ. Սարդուրի II-ի կողմից կախյալ թագավորությունները վերացնելու և պետության վարչական միավորներ դարձնելու հետևանքով Վանի թագավորությունն սկսեց անցում կատարել դեպի կենտրոնացված պետություն:
- ե. Ռուսա II-ի կողմից Բաբելոնիայի վերանվաճման հետևանքով հայոց աշխարհակալության հարավային սահմանները կրկին հասան Միջերկրական ծովի արևելյան ավազանին:
- զ. Սարդուրի II-ի կողմից կախյալ թագավորությունները վերացնելու և պետության վարչական միավորներ դարձնելու արդյունքում կառավարման ոլորտում անցում կատարվեց դաշնային կառավարման:
- է. Սարդուրի II-ի կողմից Բաբելոնիայի վերանվաճման հետևանքով հայոց աշխարհակալության հարավային սահմանը կրկին հասավ Պարսից ծոց:

1) ա, է, զ

2) բ, դ, է

3) ա, է, է

4) բ, գ, զ

50 Իրադարձությունները դասավորել ժամանակագրական հաջորդականությամբ.

- ա. Ձինված ահաբեկիչների ներխուժումը ՀՀ Ազգային ժողով
- բ. ՀՀ Սահմանադրության ընդունումը
- գ. ԱՊՀ-ի ստեղծումը
- դ. ՀՀԿ, ԲՀԿ և ՀՅԴ կուսակցությունների կողմից կոալիցիոն կառավարության ձևավորումը
- ե. Շուշիի ազատագրումը ադրբեջանցիներից
- զ. Ստամբուլում «Ակոս» թերթի խմբագիր Հրանտ Դինքի սպանությունը
- է. ՀՀՇ առաջին համագումարի բացումը
- ը. Սպիտակի երկրաշարժը

- 1) ը, է, գ, ե, բ, ա, գ, դ
- 2) է, ը, բ, գ, գ, ա, է, դ
- 3) ը, է, գ, է, գ, բ, դ, ա
- 4) է, դ, ը, է, գ, ա, բ, գ

51 Թվարկված ճակատամարտերից ո՞րն է տեղի ունեցել հինգերորդը ըստ ժամանակագրական հաջորդականության.

- | | |
|-----------------|-----------------|
| ա. Ներսեհապատի | գ. Ձիրավի |
| բ. Քաղխսիայի | է. Ավարայրի |
| գ. Ճարմանայի | ը. Խաղամախայայի |
| դ. Խաղխաղի | թ. Ակոռիի |
| ե. Վարդանակերտի | ժ. Յարմուքի |

- 1) թ
- 2) ա
- 3) ը
- 4) գ

52 1894–1896 թթ. ազատագրական պայքարի իրադարձություններից ո՞րն է տեղի ունեցել չորրորդը՝ ըստ ժամանակագրական հաջորդականության.

- ա. Շենիկի գյուղապետ Գրգոյի տանը ինքնապաշտպանական ժողովի գումարումը
- բ. Ջեյթունի ապստամբների՝ «Ջեյթունի անկախ իշխանություն» վերտառությամբ կարմիր դրոշ բարձրացնելը թուրքական զորանոցի վրա
- գ. Ջեքի փաշայի գլխավորած զորքի շարժվելը դեպի Մասուն
- դ. մեծ տերությունների միջամտությամբ Հալեպի հաշտության կնքումը
- է. Կարապետ Բասիլոսյանի կոչը Ջեյթունի լեռնականներին
- զ. թուրքական կանոնավոր զորքի ու քրդական մագրիկ ցեղի հրոսակների հարձակումը 1500 վանեցիների վրա՝ Ս. Բարդուղիմեոս վանքից ոչ հեռու
- է. Բաբը Ալիի ցույցը
- ը. Վանում բոլոր ուժերի միասնական ճակատի կազմումը՝ Ս. Ավետիսյանի գլխավորությամբ

- 1) է
- 2) է
- 3) բ
- 4) դ

53

Կատարել համապատասխանեցում.

Հեղինակ

- | | |
|-------------------------|-----------------------|
| 1. Հովհաննես Այվազովսկի | 4. Վարդգես Սուրենյանց |
| 2. Եղիշե Թադևոսյան | 5. Տիգրան Զուխաճյան |
| 3. Գևորգ Բաշինջաղյան | 6. Արմեն Տիգրանյան |

Ստեղծագործություն

- ա. «Արշակ Բ»
- բ. «Սևանա լիճ»
- գ. «Դեպի Արագած տանող ճանապարհը»
- դ. «Գրիգոր Լուսավորչի տեսիլքը»
- ե. «Շամիրամն Արա Գեղեցիկի դիակի մոտ»
- զ. «Անուշ»
- է. «Սպասում»

- 1) 1-դ, 2-է, 3-բ, 4-ե, 5-զ, 6-ա
- 2) 1-զ, 2-է, 3-բ, 4-դ, 5-ա, 6-զ
- 3) 1-բ, 2-է, 3-զ, 4-զ, 5-ա, 6-ե
- 4) 1-բ, 2-դ, 3-զ, 4-ե, 5-ա, 6-զ

54

Տրված պահանջներից առանձնացնել երեքը, որոնք Վահան Մամիկոնյանը ներկայացրել է պարսից Վաղարշ արքային, և դրանք բավարարվել են վերջինիս կողմից.

- ա. Հայաստանի մարզպան նշանակել միայն հայ նախարարներից
- բ. չմիջամտել հայ նախարարների ներքին գործերին և պաշտոններ չտալ հավատուրացներին
- գ. վերականգնել հողեր ժառանգելու՝ իշխանների որդիների և դուստրերի իրավունքը
- դ. հարգել հայ հողատեր-նախարարների ժառանգական իրավունքները
- ե. դադարեցնել կրոնափոխության քաղաքականությունը, կրկին թույլատրել քրիստոնեական կրոնի դավանումը
- զ. մահապատժի ենթարկել հայ ուրացյալ նախարարների պարագլուխ Գաղիշո մաղխազին
- է. վերադարձնել Հայաստանի վանքերից ու եկեղեցիներից բռնագրավված հողեր և նյութական գանձերը

- 1) բ, դ, է
- 2) ա, դ, զ
- 3) ա, է, զ
- 4) բ, զ, է

- ա. Խորհրդային Հայաստանում գյուղացիության ճնշող մեծամասնությունը կոլտնտեսություններին է անդամագրվել 1938–1940 թթ.:
- բ. Հակակոլտնտեսային շարժումն արտահայտվեց նաև գյուղացիների կողմից իրենց անասուններն անխնա մորթելու ձևով՝ կոլտնտեսություններին չհանձնելու համար:
- գ. Հարկադրաբար ստեղծված կոլտնտեսությունները լուծարելուց հետո խորհրդային պետությունը որպես ճնշման միջոց գյուղացիական տնտեսությունների նկատմամբ կիրառեց հարկերի ավելացման քաղաքականությունը:
- դ. Գյուղացիների տեղաշարժերը կասեցնելու նպատակով խորհրդային իշխանությունը նրանցից խլեց տրանսպորտային միջոցները:
- ե. «Աջերի», տրոցկիստների ջախջախումից հետո ՀամԿ(բ)Կ ստալինյան ղեկավարությունը հաստատեց իր բացարձակ իշխանությունը:
- զ. Հնչակյան կուսակցությունը, Կոմիներնի ընդունած որոշման համաձայն, դադարեցրեց իր գործունեությունը արտասահմանում:
- է. Խորհրդային երկրում ձևավորվում էր Ստալինի անձի պաշտամունքը, որը բացահայտ դարձավ 1924 թվականից՝ Լենինի մահվանից հետո:

- 1) ա, դ, է
- 2) բ, գ, է
- 3) ա, գ, զ
- 4) բ, դ, է

Տրված պնդումներից որո՞նք են սխալ.

- ա. Ռուսական զորքը 1918 թ. փետրվարի 10-ին վերսկսել է պատերազմը Կովկասյան ճակատում:
- բ. 1918 թ. մարտին կնքված Բրեստ-Լիտովսկի հաշտության պայմանագրի չորրորդ հոդվածով և ռուս-թուրքական լրացուցիչ պայմանագրի համաձայն՝ օսմանյան Թուրքիային են անցել Արևմտյան Հայաստանի ազատագրված մարզերը:
- գ. Անդրկովիսարիատի 12 կոմիսարներից երեքը հայեր էին՝ Խ. Կարճիկյան, Հ. Օհանջանյան, Գ. Տեր-Ղազարյան:
- դ. 1918 թ. մարտի 1-ին ստեղծվել է Առանձին հայկական կորպուսը:
- ե. Հայոց ազգային խորհուրդը 1917 թ. դեկտեմբերի վերջերին Թիֆլիսից Երևան էր գործուղել Արամ Մանուկյանին՝ օժտելով նրան արտակարգ լիազորություններով:
- զ. Կովկասյան բանակի գլխավոր հրամանատար Ե. Գեգեչկորու 1917 թ. դեկտեմբերի 7-ի գաղտնի հրամանի համաձայն՝ սկսվել է նվաճված մարզերի հայ բնակչությունից չորս գնդերի կազմավորումը:
- է. Հայկական կորպուսի ճակատային և պահեստային զորամասերի կազմավորման գլխավոր վայր էր դարձել Երևանի նահանգը:
- ը. 1917 թ. ապրիլի 26-ին հրապարակվել է Անդրկովկասյան հատուկ կոմիտեի որոշումը Արևմտյան Հայաստանի գրավված տարածքում կառավարման նոր ձև մտցնելու մասին:

- 1) բ, գ, զ
- 2) գ, դ, է
- 3) ա, գ, ը
- 4) դ, է, ը

Հայոց աստվածների անունները համապատասխանեցնել հունական աստվածների անուններին՝ հելլենիստական դարաշրջանում ընդունված համադրությամբ.

- | | |
|-------------|--------------|
| 1. Ափրոդիտե | ա. Արեգ-Միհր |
| 2. Արտեմիս | բ. Արամազդ |
| 3. Հերակլես | գ. Աստղիկ |
| 4. Հելիոս | դ. Անահիտ |
| 5. Զևս | ե. Նանե |
| 6. Ապոլոն | զ. Վահագն |
| | է. Տիր |

- 1) 1-դ, 2-ե, 3-ա, 4-գ, 5-բ, 6-է
- 2) 1-գ, 2-դ, 3-է, 4-ա, 5-բ, 6-զ
- 3) 1-գ, 2-ե, 3-զ, 4-ա, 5-է, 6-բ
- 4) 1-գ, 2-դ, 3-զ, 4-ա, 5-բ, 6-է

Թվարկվածներից որո՞նք են բնորոշ նեպին.

- 1) մանր և միջին բոլոր ձեռնարկությունների ազգայնացումը
- 2) պարենմասնատրման փոխարեն պարենհարկի կիրառումը
- 3) վարձու աշխատանքի կիրառումից հրաժարումը
- 4) քաղաքի և գյուղի միջև ապրանքադրամական հարաբերությունների աշխուժացումը
- 5) գյուղատնտեսական մթերքների բռնագրավումների ժամանակավոր դադարեցումը
- 6) հարկի չափի որոշվելը մինչև ցանքսը և տարվա ընթացքում այն երկու անգամ փոփոխելը
- 7) հացահատիկի և այլ մթերքների բռնագրավումների արգելումը
- 8) գյուղատնտեսության կոլեկտիվացումը
- 9) ազատ առևտրի վերականգնումը

Ընտրել տերմինների կամ հասկացությունների ճիշտ բացատրությունները.

- 1) Զրադաշտական կրոնի սպասավորները կոչվում էին մոզ:
- 2) Աքեմենյան տերության քսան մեծ վարչական միավորներից յուրաքանչյուրը կոչվում էր մարզպանություն:
- 3) «Մահմանապահ կուսակալ»-ը Վանի թագավորության արձանագրություններում հիշատակված գործակալությունների անվանումներից է:
- 4) Արարատյան կամ Վանի համահայկական թագավորությունը հինարևելյան տիպի դաշնային պետություն էր:
- 5) Վարչական առումով Վանի թագավորությունը բաժանվում էր նահանգների, որոնք կառավարվում էին արքունի կառավարիչների կողմից:
- 6) Արարատյան կամ Վանի համահայկական թագավորության մեջ թագավորին կից գործող Ավագների խորհրդի անդամները կոչվում էին արքայի «խորհրդականներ»:
- 7) Աքեմենյան տիրապետության օրոք Հայաստանի կառավարիչը կոչվում էր փոխարքա:
- 8) Աքեմենյան տիրապետության օրոք Հայաստանի արևմտյան մասի կառավարիչը կոչվում էր հյուպարքոս:

60 Թվարկվածներից որո՞նք են 1905–1906 թթ. հայ-թաթարական ընդհարումների հետևանքներ.

- 1) Ռուսական մեծապետական շովինիզմն սկսեց տեղի տալ, վերացավ ոչ ռուս ժողովուրդների ազգային–գաղութային ճնշումը:
- 2) Ամրապնդվեց երկրամասի հայկական բնակավայրերը միավորելու և անկախ Հայաստան ստեղծելու գաղափարը:
- 3) Ամրապնդվեց հայերի և կովկասյան թաթարների ռազմաքաղաքական դաշինքը:
- 4) Հայությունը մարտական լուրջ փորձառություն անցավ:
- 5) Հայ հոգևորականության հեղինակությունը աճեց որպես զինված պայքարի կազմակերպիչ:
- 6) Ավելի գերիշխող դարձավ հայ ժողովրդի երկու հատվածների միասնականության գաղափարը:
- 7) Բարձրացավ հայերի վստահության աստիճանը. նրանք պատրաստ էին հակահարված տալու իրենց ոչ բարյացակամ հարևաններին:

61 Թվարկվածներից որո՞նք են Հայոց մեծ եղեռնի պատճառներ.

- 1) Միացյալ և անկախ Հայաստան ստեղծելու ռուսների ծրագիրը
- 2) հայության ֆինանսական և նյութական ունեցվածքին տիրանալը
- 3) հայ քաղաքական կուսակցությունների՝ Հայաստանի միավորման ծրագրի ձախողումը
- 4) հայ արդյունաբերողների և դրամատերերի մրցակցությունից ազատվելը
- 5) Քառյակ միությանը Անդրկովկասում հավատարիմ դաշնակցից զրկելը
- 6) հայերի հայրենագրկման և ոչնչացման ծրագիրը
- 7) Հայկական հարցին մեկընդմիջտ վերջ տալու երիտթուրքերի ձգտումը

62 Թվարկվածներից որո՞նք են տեղ գտել հայ-մոնղոլական դաշինքի կնքման հետ կապված բանակցությունների օրակարգում.

- 1) Հայերը պարտավորվեցին օգնության խնդրանքով չդիմել Արևմուտքի քրիստոնյաներին:
- 2) Երկու կողմերը պարտավորվում էին պահպանել չեզոքություն երրորդ երկրների հարձակման դեպքում:
- 3) Մոնղոլները խոստացան հոգալ հայոց բանակի պահպանման ծախսերը:
- 4) Մոնղոլները համաձայնեցին պահպանել Կիլիկյան Հայաստանի անկախությունը և տարածքային ամբողջականությունը:
- 5) Մոնղոլները պարտավորվեցին Կիլիկյան Հայաստանին միացնել Ասորիքի մի մասը:
- 6) Հայերի բարեկամությունը շահելու համար մոնղոլները խոստացան վերադարձնել այն տարածքները, որոնք մահմեդականները իսլել էին Կիլիկիայից:
- 7) Մոնղոլները պարտավորվեցին ռազմական օգնություն ցույց տալ Կիլիկիային Իկոնիայի սելջուկների հարձակումների ժամանակ:

- 1) Մեծ եղեռնի հիսնամյա տարելիցի օրը Երևանում տեղի ունեցան զանգվածային ցույցեր և հանրահավաքներ. Հայաստանում նման ելույթներ եղան նաև 1970–ական թվականներին:
- 2) ԽՍԿԿ XX համագումարում «Անհատի պաշտամունքի և նրա հետևանքների մասին» զեկուցումով հանդես է եկել Միխայիլ Գորբաչովը:
- 3) 1973 թ. ձևավորված ԱՄԿ ղեկավար մարմինը՝ խորհուրդը որդեգրեց «Անկախություն՝ հանրաքվեի ճանապարհով» ռազմավարությունը:
- 4) Այլախոհները 1970–ական թթ. կեսերին Հայաստանում ստեղծեցին առաջին այլախոհական կազմակերպությունները:
- 5) Վերակառուցման շրջանում Խորհրդային Միությունում հետզհետե սրվող ազգային հարցին գործնական լուծում տալու փոխարեն Մոսկվան վարում էր երկդիմի և խուսանավելու քաղաքականություն:
- 6) Պարույր Հայրիկյանին, Աշոտ Նավասարդյանին և ուրիշներին 1970 թ. ազատագրկման դատապարտեցին այն մեղադրանքով, որ «ակտիվ ընդհատակյա գործունեություն են վարել՝ նպատակ ունենալով անջատելու Հայաստանը ԽՍՀՄ–ից և ստեղծելու անկախ հայկական պետություն»:
- 7) «Այլախոհ» հասկացությունը ի հայտ եկավ 1970–ական թթ., որը բնութագրում էր այն մարդկանց, ովքեր պայքարում էին խորհրդային իրականությունը փոփոխելու համար:
- 8) Հայաստանում հակախորհրդային գործունեության մեղադրանքով դատապարտվածների պայքարի հիմնական նպատակն էր հայկական հողերի վերամիավորումը, լեզվի և մշակույթի պահպանումը, կոմունիստների մենիշխանության վերացումը, ինչպես նաև անկախ Հայաստանի ստեղծումը:

Ընտրել ճիշտ պնդումները.

- 1) Արտաշես I-ի հանձնարարությամբ Սմբատ Բագրատունի գորավարը ջախջախել է վրացական բանակը և Հայաստանին է վերադարձրել Գուգարք նահանգը:
- 2) Հռոմում ստեղծված Երկրորդ եռապետության անդամներն էին Գնեոս Պոմպեոսը, Հուլիոս Կեսարը, Մարկոս Կրասոսը:
- 3) Տիգրան Մեծի կառուցած «Արքունի պողոտան» միմյանց է կապել Արտաշատը, Տիգրանակերտը և Ալեքսանդրիան:
- 4) Հայաստանը թուլացնելու նպատակով Հռոմը նրանից անջատեց Ատրպատականը և այնտեղ թագավոր կարգեց իր կամակատար Արիոբարզանեսին:
- 5) Տիգրան III-ի շեշտված հակահռոմեական դիրքորոշման պատճառով Հռոմը նրան գահընկեց արեց և գահ բարձրացրեց նրա կրտսեր եղբորը՝ Արտաշես III-ին:
- 6) Ք. ա. 5 թ. Օկտավիանոս Օգոստոսը մեծ բանակով Հայաստան է ուղարկել իր որդեգիր Հուլիոս Կեսարին, որը Հայաստանի թագավոր է հայտարարել Արտավազդ III-ին:
- 7) Պարթևները ոչ միայն չստացան Պոմպեոսի խոստացած տարածքները, այլև Պոմպեոսը ճանաչեց Տիգրան Մեծի «արքայից արքա» տիտղոսը:
- 8) Անմնացորդ հայրենանվեր գործունեության շնորհիվ Արտավազդ II-ը պատվավոր տեղ է զբաղեցնում Հայոց պատմության մեջ, դեռևս իր կենդանության օրոք նա հռչակվել է «Աստվածային» պատվանունով:

Տրված իրադարձություններից որո՞նք են խախտում տրված շարքի ժամանակագրական հաջորդականությունը.

- 1) քրիստոնեական եկեղեցու «Հավատո հանգանակի» ընդունումը
- 2) մագքութների ներխուժումը Հայաստան և Վաղարշապատի գրավումը
- 3) Սանեսանի պարտությունը Յլու գլուխ լեռան ճակատամարտում
- 4) Դատաբեն Բզնունու և Բակուր բղեշխի մահապատիժը
- 5) Արիստակես կաթողիկոսի սպանությունը
- 6) Վրթանես Ա կաթողիկոսի գահակալման ավարտը
- 7) Շապուհ II-ի կողմից պատերազմ սկսելը Հռոմեական կայսրության դեմ և Մծբինի գրավման անհաջող փորձը
- 8) Վաչե Մամիկոնյան սպարապետի և իր զինակիցների նահատակությունը
- 9) Տիրան թագավորի բնակություն հաստատելը Կուաշում

66 Իրադարձությունները դասավորել ժամանակագրական հաջորդականությամբ.

- 1) հայազգի Իվան Կարապետի ժամանումը Արցախ
- 2) Հալիձորի ճակատամարտը
- 3) Դավիթ Բեկի առաջին հաղթական մարտը ջևանշիր կոչվող ցեղի դեմ
- 4) Եսայի Հասան-Ջալալյանի բազմելը Գանձասարի կաթողիկոսական գահին
- 5) Արցախի անջատումը Գանձակի խանությունից
- 6) մահտեսի Շահնուրատի առաջին հանդիպումը ֆրանսիական արքունիքի հետ
- 7) Իսրայել Օրու վերադարձը Սպահանից

--	--	--	--	--	--	--	--

67 Իրադարձությունները դասավորել ժամանակագրական հաջորդականությամբ.

- 1) Վանի տիրակալի հիշատակվելը կիմերների հետ Ասորեստանի դեմ թշնամական գործողություններ ծրագրելիս
- 2) Կարանի թագավորի դիմադրելը խեթերի արշավանքներին
- 3) Էրեբունիի հիմնադրումը
- 4) Վանա և Ուրմիո լճերի միջև Արամ անունով երկրի առաջին հիշատակումը
- 5) համահայկական երկրորդ թագավորության ստեղծումը
- 6) Խուկանայի և խեթերի թագավորի միջև պայմանագրի կնքումը

--	--	--	--	--	--	--	--

68 Կատարել համապատասխանեցում.

- Ա. Մերգեյ Մերգեյան
- Բ. Հայկանուշ Դանիելյան
- Գ. Համբարձում Քեչեկ
- Դ. Հասմիկ

- Ե. Լևոն Ռոտինյան
- Զ. Հովհաննես Կարապետյան
- Է. Արա Սարգսյան

- 1) դերասան
- 2) մաթեմատիկոս
- 3) բժիշկ
- 4) պատմաբան
- 5) քանդակագործ
- 6) երկրաբան
- 7) երգիչ
- 8) քիմիկոս

Ա	Բ	Գ	Դ	Ե	Զ	Է

69 Կատարել համապատասխանեցում.

- Ա. Սկևռայում ստեղծագործած նշանավոր մանրանկարիչը
- Բ. Անիի Կաթողիկե եկեղեցու ճարտարապետը
- Գ. Աղթամարի Ս. Խաչ եկեղեցու ճարտարապետը
- Դ. Բագրատունիների արքունիքը Կարս տեղափոխած արքան
- Ե. Գոշավանքի նշանավոր խաչքարագործ վարպետը
- Զ. Հռոմկլայում ստեղծագործած նշանավոր մանրանկարիչը
- Է. Սասուն–Խուր զավառում VIII դ. կեսի ապստամբության ղեկավարը

- 1) Տրդատ
- 2) Պողոս
- 3) Մանուել
- 4) Հովհան
- 5) Աբաս
- 6) Գրիգոր Մլիճեցի
- 7) Սարգիս Պիծակ
- 8) Թորոս Ռոսլին

Ա	Բ	Գ	Դ	Ե	Զ	Է

70 Տրված 6 պնդումներից յուրաքանչյուրի համար ընտրել՝ «Ճիշտ է», «Միայլ է», «Չգիտեմ» պատասխաններից որևէ մեկը:

- 70.1 Հայաստանի առաջին հանրապետության վերջին վարչապետը Ս. Վրացյանն էր:
- 70.2 Առաջինը ստեղծվել է Արևմտահայերի ազգային խորհուրդը, հետո՝ արևելահայերի Հայոց ազգային խորհուրդը:
- 70.3 Կովկասյան ճակատում հայկական կամավորական չորս ջոկատներից առաջինը ռազմի դաշտ է մեկնել Դրոյի ջոկատը:
- 70.4 Առաջին հայ պարբերականը «Ազդարարն» է, որը հրատարակվել է Մադրասում:
- 70.5 Հայ առաջին քաղաքական լրագիրը «Ազատության ավետաբերն» է, որը տպագրվել է «Հայրենիքի սիրո գրասենյակ» խմբակի կողմից:
- 70.6 Առաջին հայ ազգային կուսակցությունը ստեղծվել է հայրենի հողի վրա՝ Կարինում: